

重錄
總校
官侍
郎
高

學士
臣
胡
玉
蒙

分
校
官
翰
德
臣
汪
維

書
寫
監
生
臣
許
汪

周
鼎
監
生
臣
陳
子
廷

臣
姚
崇

永樂大典卷之一萬九百九十九

六姥

府

知府九

宋楊誠齋集別趙知府書 某以隆暑故。小疎奏記。齋間寸心。尊德一飯以之。即辰季夏之月。南風之薰。恭惟判府提舉太中。戒裝解維。川石靜渡。天某台候。動止萬福。台閣玉眷。尊尊幼幼。受杜山則。某卧病山墅。殊不聞人間事。一日二日。似聞尊公致政。太中小真節宣之宜。萬金之書。既至。台抱惻惻。不遑寧處。謁告棄印。戴星駿奔。言歸親省。某座老幽屏。不派之蹟一見。荷傾蓋。遂得仰依葆籙。於獨有之天者。三年于茲。父子康健。始終知遇。不以衆人遇之。老身義當。撰履疾走。追送牙櫓。偶以病暈。伏枕。短氣如縷。不能支梧。敬遣大兄某。遞拜道左。惡詩一篇。聊寫戀戀銷黯之情。惟一覽而擲之地。烈日翕赫。遠塗良勩。願言為君親自愛。即看詔進。遂從上雍。又荅曾知府書 某伏以秋氣已來。西爽彌高。即日恭惟判府判院契丈。政成王親。神天燕喜。台候動止萬福。某老病日侵。前塗就窄。去歲七月。再上乞骸之章。諸公持之至今。事未下。出籠之鶴。尚絆一趾。殊可憐耳。契

丈中和平易之政。釋臺影舞之矣。此行入秦小却。猶當誕真之含香握蘭之珥。但見其上。不見其下也。遺我金玉之音。得待語離情誼。春春若不忍。胥遠者。使人懷抱作惡者。久如也。推謝不辭。願言珍重。即看日遠除書。細作行矣。又荅普州李知府書。某伏以季夏之月。南風之薰。恭惟判府大著尊契丈。報政有績。祇召還京。神天燕喜。台休動止。萬福。某卧病山間。乘化歸盡。仰故人於青雲之上。何從望見其末光。願言蓋珍重理。遂膺紫薇玉署之拜。以昌斯文。某屬被郎報。恭審紫泥。夜下。號召正人。青藜朝馳。入覲玉座。善類吐氣。吾道用光。恭惟耀慶。某辱在草木臭味之間。尤深松栢茂悅之盛。未由而賀。而以尺牘。伏惟財幸。筆素之際。方旦拭目以俟。某昔歲拜辱天落雲錦之書。逮今緹衣十襲。每拂除蛛塵手之而不釋也。八千里外。再蒙遣一介行李。墜五紙妙帖。訪問生死。不以膏泥昇沉。而兩其態。不以老病汨換。而白其眼。厚祿故人書斷絕。夔陵之語。可懷此事。今無古或間。東坡之句。可獻也。感謝至骨。萬此寧有足耶。某目眩親書手戰。鉤筆。平止止。鵝破研一卷。亦久寄絕交書矣。長者尚以故我。未微義榮之記。并微病心。倒懸拈腸。僅得數語。以塞命。或謂應覆公家書。訖矣。未款。乃蒙稱賞不置。誠不以榮。亦祇以愧也。二傳絕妙好辭。左拍子長之角。右摩孟

堅之壘。陳范而下不論也。珠玉在側。覺我形穢矣。老先生。矜倚寄似。其
 惶恐再拜。敬問契家玉娘。恭惟尊尊。幼幼。函祉山則。老妻兒女。列拜起居。
 頌脫越羅絲。座下拜咏。感蓬萊香十兩。聊作空函。能報也有。廬陵安。頌索
 聞之。又荅成州李知府。某伏以。即辰春夏之交。寒暄之雜。恭惟判府
 大中鄉丈。身作長城。隱若敵國。遠圍大競。天人具依。台候勅止。萬福。某齋
 莊泰記。以謝先辱。未見願言。青珍大業。即還禁近。某辭奉玉立。十五其霜。
 蜀月楚星。萬里同登。一封雲錦。西風吹來。披讀三周。驪慰亡量。恭承命戒。
 要以先太中掩幽之刻。老病學落。其昌敢當。司馬大夫之簡。介弟得得遠
 臨。以兄之命。命下。走辭之可乎。抑文債如山。撥之不聞。願小紓期會。僅擬
 作章就。當得敬准。惟原省焉。又荅建昌陳知府書。某伏以。即辰玄危
 有鳴。赤燁訕赫。恭惟判府太中。外庸告成。為裝入覲。天人送喜。台候勅止。
 萬福。某老身幽屏。何從得一望。見玉山瓊樹之餘映。願省厥綱。馮對越。疏
 展。款賦。卿月昇金掌之詩。以誤履成之賀。某濬辱遠騎。墜賜謾函。折展走
 趨。盥手披讀。情誼獨至。感喜不勝。惟茲良牧。刻印昭代。大樂之書。發金鑲
 石室之祕。以備陳農之旁搜。而荅省年之大問。願下取於哇俚之蕪詞。以
 遙諸篇末。不曰以裝薦錦。以章先璧乎。頌以墨本。不覺汗浹背也。推謝不

莊。仰惟財幸。又與徽州任知府。其伏以即辰秋光晚曉。類氣高絜。恭
惟判官寺丞契文。露冕惟新。建牙伊煥。耄倪呼舞。神天咸鑒。台候勳止。萬
福。契家王姥。受祉山則。其老病餘生。伏自壬子棄官。丙辰乞骸。今春乃得
卷懷衣冠。雜襲秦鹿。惟茲影響昧昧。自頃一別。每於山間仰故人於雲漢
之表。揭日之名日起。排霄之步日趨。未嘗不為之喜而不寐也。茲審楚還
鵬鷺之行。自說股肱之郡。一麾出守。千騎東來。恭惟慶惟。其不量野人之
昧賤。妄有白事。同郡名士糾曹。載從政。其照鈔鈐收料。一再試吏。其文詞
清駛奔逸。源派出於東坡。而得其髓。長書大篇。百千言。益出而益無窮。愈
讀而愈有味。今親逢岷江之文伯而為之東道主。故應坐上一見而察其
小異。不待外人拈出而後知其為道側之遺寶也。敢望未及下車。而即取
一人焉。拔其尤。特拔一上。半年京秩之章。以引于公車。則黃金之臺。隗始
之舉。古人復生。何以代此。且薦士本意。古者惟其賢而已。今則不然。不惟
其賢而惟其勢。一洗今之俗而返之古。不在吾契丈而誰在也。進越之章
不敢自甯。敢自歸於司敗也。點飲山水之邪。異時名公作牧者。累累焉。其
在江東日嘗一過之。以使事有指。不敢入邪。至今遺恨。紫陽諸峯。皆與知
之。今以告訴于史君之天。其肯與我的尊中之遠問。諸奉之神而一笑乎。

久不擇塵縱談下筆云云如旋盤之落屑不自覺其煩且漬也。雲泥相懸。渺然無合并之期。不勝大願。願言迺玉是身以柱吾國家。即還從上雍。

又荅新封州諱知府 某頃辱屈使君之千騎臨玉川之數間呼酒嘯歌。秉燭軟語。老病之軀頗有主意。別去未幾復增永懷。尺書寵詒殊慰耿耿。

卯辰暮春積雨。恭惟明仲判府太中卿丈。為紫入親。神天送喜。台倅動止。萬福。恭審日遙除書。即家而拜。下轉中和之政。上結聖明之知。不出以商。

生致通顯。閔萬貢之同載。多甘茂之一官。才解二十石之章。即佩見大夫之組。恭惟瞻慶。某伏自壬子棄官丙辰乞骸。四年三請。一奉不允之詔。一

不報今請。方蒙恩增秩一階進職四等。非平時揄揚。何以拜此。方具辭免職名。未敢推謝。餘惟珍重。即立春風玉笋之班。又荅虞知府 某伏以

良月有傲。風露高寒。即日恭惟思館判府直閣。身作長城。卧護國西。威惠用章。天人咸贊。台倅動止萬福。某犬馬之齒。今七十有五矣。已迫夕曛。未

光朝露。微我故人燭之末光。何以達此。蜀月楚星相望各天一。安得對床聽雨。握手論文。以浣此心之鬱陶。願言金玉大業。揀幹皇家。即奉緣綈。

遂驚紫禁。某伏自辛亥之春。東來紫氣。照臨鍾山石城之間。初得瞻北下之碧梧鸞鵠。望東山之玉樹芝蘭。蓋雍國老先生之典刑文獻。盡在魯

矣。盛德有後。老身定交。自賀兩得之也。語雖一星。晝思夜夢。曷嘗不在鉅
庀下。某弃官歸老山間。乃以壬子之秋也。三請還笏。始危得之。寒灰枯草。
過者掉臂。伯仲間尚記憶老門生耶。雲錦之書。珠玉之唾。訪問生死。慰存
酸寒。詞旨劬愉。意氣傾豁。老病餘生。抵掌頓足。覺生意頓回。霜毛再玄也。
惟經世之學。濟美之才。小淹外庸。日貯光顯。如范氏之堯夫。呂氏之晦叔。
此所望於伯仲者。老先生碑文已付使了矣。短書以謝長牋之辱。茲示重
出云。某惶恐再拜。敬問恩闈玉婢。即日冬寒。恭惟尊尊。幼幼受社山則。
有委不外。蒙寄脫紅素羅十有四匹。七史太平治通老先生制集。下拜珍
感之至。建本詩集一部。木錦多端。聊伴空函匪報也。又荅虞制機。虞知
府。某恭承伯仲。不遠數千里。遣一介行李。賜以手札。申以長牋。示以先
師柑言付。委以銘詩。某也。師柑先生老門生也。且嘗職太史。其何敢辭。第
所示言行數千萬言。古人所謂終身不能究其說者。某今年七十有五。衰
病垂死。安能歷覽。且如國史張魏公本傳。及黃田葉陳二丞相墓銘。其家
子弟皆撰成行狀一編。不過四五十版。二三萬字。某所書止存五六千字。
皆三年而後來取。敢望伯仲視此三家凡例纂成一編。版數字數皆以此
為準。却再示及。當為落筆。蒙脫厚禮。既未作文字。豈敢虛受。已對來介珩封

點數。依前緘封。責來介。交頌回納宅庫。伏幸察重。又荅澧州趙知府。某屬者寄牋。不量老朽退休之人。進越以親戚。妄推為薦。仰于中二千石。親民任使之。京則挾今之請。行於今之俗。是犯二不韙焉。觀勢涼燠者。今俗其不然矣乎。大兄長孺。嘗得京丞相面作親札薦於胡總。胡總不畀勢之燠者。莫相若也。而尚不功以其非言路。非執法之書也。然則燠中差謾。而不能炮烙我者。亦不能動悟也。光其退休水氏之人乎。此其犯不韙一也。昔祁大夫舉其子。君子不以為私。近世呂文穆公舉其猶子文靖。至謂有宰相才。當時聞者不以為欺。至於齊暉。則有司以其為宰相映之弟。而不敢取焉。某何人薦其戚黨於執事。其不曰私且欺乎。此其犯不韙二也。敢謂執事度越一世之拘攣。追還千古之奇偉。得其書躍如也。舉其人沛如也。又且報之曰。來書之品題人物。一言一字。無非真實語矣。退之云。翁大人不疑人欺已。侯高何足道哉。微執事孰可以當退之之所云者乎。多言何足以謝大恩之萬分。獨以居今之俗。行古之道為執事賀也。又與衡州陸知府。某伏以良月行冬。初寒以雨。即辰恭惟判府。太中填撫。火維。薛若天柱。民謳豈弟。天迪忠嘉。台使動止萬福。某謹貯餽不腆之書。目。徹於消人謁者之伍。仰惟財幸。某竊嘗洞視今古大夫之家。有能擅數。

名之場。所儒學之源。登文章之錄。世濟其美。嬋嫣相踵。有陸氏若者乎。無也。若遊抗在吳。若機雲在晉。若德明敬興在唐。皆人中龍也。孰謂古有其人。而今未有乎。執事英妙之年。拔奇收科。玉映潢臺。德明之儒學。機雲之文章。蓋魯國之寶玉。大子黃梅之夜半衣鉢。皆家傳之自得。而不問外人者也。遊抗敬興之勲名。天下方有望焉。衡山之雲。綠淨之波。豈真能苛留者。一州之福。將均宏之於天下。公卿闕而選所表。寵渥微黃誕。真禁近其不避矣。其也山林野人。已抽手板付丞相矣。安得一覲當世之膠流。以一洗其胷中之憤。跂乎。教賦草蟲之三章。以寄此心。其皇恐再拜。僭越敬問。台闕玉嬌。即日恭惟尊尊。幼幼。愛社山則。廬陵有可敬老。冊之役者。唯命是聽。其皇恐白事。中男次公。並仕有微。百事墻面。今官衡之安仁監稅。正隸大府之下邑。遂得仰事高才大壽之光。慶。兄太史之牛馬。走望無涓埃。收之鄧之。豈無罪戾。素之免之。不勝感激之情。不敢自殺。而滑聞于大君子之聽。不勝主臣。又與丘知府書。其輒不自揣量。敢以父子之情。納諸乾坤之度。惟檢詳試聽之。家君領邑辰溪。年餘雖遠。精幹不衰。一生故紙。晚景沾恩。矍鑠之態。益健。飛舉之興。未銷。往者雍公秉國。一再為家君控滌。稍稍滿意。今魯公又有意挺植之。惟足王官之期尚遠。張大監君

王。張左司欽夫。共僉謀推轂。合夫既有緒矣。俄君玉歸錦城。欽夫上玉樓。末如之何。塵沙不敢以輕微。戴文姚丈二推豪檢詳。僕有意與之爲春。伏願興慈運悲。曲成之。若造化有涯。當裁草牘。投誠兩使呈也。不然。一刀出自洪鈞。更不用某呼號。其徑尤捷矣。天下相看。其上如大空赤立。一物不倚。其餘道義。其次意氣。其沉下乃勢利。其上不能超出三界下。不至海墜。九幽。其所以感動英賢。將惟意氣耶。釋契嵩鍾津集謝王密諫知府惠詩。

某啓。今月十四日。杭州送到所賜佳什一封。開發披讀。且驚且喜。仰戴恩輝。無任感媿。伏惟知府密諫。位尊望重。聖宋名臣。才識高遠。臺閣師範。乃特俯念物外幽陋之人。以其荒蕪鄙俚之言。和而發之。格律雅重。風韻高邁。是謂假日月餘輝於燭火。借韶護大音於土鼓。責其微善。勸余小學。忝此大賜。實爲甚幸。方屬居山訓領。少暇不遑躬趨。下執事者。謹先附啓上謝。伏乞台慈。俯賜念察。王黃州小畜集集賢錢侍郎知大名府序。未序君臣。明善惡。莫大乎國書。故曰史館重。備顧問。預宴私。莫親乎書。故曰集賢清。至於天官品藻士流。京尹葉還豪右。皆古今之通責。仕宦之夷塗。此外。則河朔一方。封疆千里。倚作巨屏。時惟大名也。期門伏飛之暇。擇衽金浴鐵之冠。委諸儒士。出自聖謨。偏歷諸難。纓登強仕。考乎前代。未見

其人。公天與才名。時推秀傑。某名委贄。遇知己之帝王。言行計從。事逼身之富貴。心雖易退。望峻其瞻。安是藩宣。即歸廡廟。至如竭家財而饗士。行權道以救民。枉尺直尋。知幾識變。諒歸雅度。不假設間。行見刁斗不鳴。沙場載柝。卧魏尚雲中之鼓。狂虜不侵。對謝安淮上之棊。捷書自呈。王師載戢。儒將獨高。無功不酬。降爰立之命。當仁不讓。居代天之司。某空遇昌辰。坐成弃物。黃金臺上。此時莫廁於嘉賓。綠野堂中。他日或容於逸客。謹序大同丹淵集。送趙大資再任成都府詩序。上五年秋七月。丞相以成都守臣當更其所以宜往者。名氏陳于上前。曰。是其職。序才業。皆可以稱其任。惟上之所擇者。上擬神父之且。曰。今海內之蕃域。號為至重者。舉莫若吾之全蜀。壤土衍沃。民俗豐夥。外之則八國種落。賴之以綏輯。內之則四道郡邑。倚之以康靜。得人而重。固異它所。頃嘗略沈辨。感惠肅給。厥與論之所與。慰遐氓之所欲者。始為其人矣。我有耆舊。宛在東土。是嘗屢以仁愛明恕。撫吾西南之民。其民懷服。其信厚。逮今未聞有輒敢一日忘去者。此將煩之。再莅于彼。其謂往制。無或循襲。丞相秦被上旨。乃曰。聖慮所及。度越常議。選委良帥。以遵井路。遠人蒙慶。不勝至幸。於是以資政殿大學士召公於營丘。大旆過國。詔趣見上。眾悉謂公輔臣。必以遠解。既對。使坐。

獨奉天語。雍容啓問。移漏累刻。惟以願得垂蒙。出都門。并驛臨治。以副上
之所以待下之意。訖不以私請自免。以圖便安。遂行。上褒嘉之。馳使勞諭。
眷妾之厚。無與為較。先是公二紀之中。四臨於蜀。蜀人既聞公來。男講於
道。女謹於竈。皆曰我之已筋安於食。而枕革樂於寢者。不圖今日復見於
我公矣。公既至。簡條月。去苛暴。剝滌梗垢。磨盪昏聩。群疑革而冰消。大擾
息而波澄。未逾月而梁岷之下。晏然已為樂國矣。同昔者嘗聞之於公曰。
夫感物惠乎有心。有心則接於物也。泥而不博。臨理責乎無欲。無欲則燭
於理也。明而不闇。泯諸妄慮。照以正見。則天下之治安。有所謂阻歸而難
致者哉。蓋公素事於此。以為身術。故入居嵩廟。出殿巨屏。嘗不衡內外。曰
輕重。而一以於其所無事者為政治之本。凡取知於君。而獲愛於民者。其
將繇此者歟。同常欲有所論議。以紀公之休懿。會赴官興元。道出門下。公
因授以送行詩一篇。得同為之序。同乃述上之所以復用公於蜀。與公之
所以得蜀人之歡心者。題其篇首。詩自韓魏公而下。凡若干章云。熙寧六
年上元日謹序。趙孟頫松雪齋集送田師孟知河中府序。予讀漢史至
循吏傳。觀古循吏之所為。政事教化之所感。居能使蝗不入境。虎度河去。
民至稱之為父母。嗟乎。何以得此於民哉。三代而上。未置郡縣。循吏之名。

未立。跡漢以來。士大夫之賢者。苟不得一郡一邑而為守令。政事不見於世。德澤不及於民。何由列於史官。使循良之名愈久而常存也。予友田侯即孟。以儒家子。弱冠而仕于朝。且三十年。若銓選財用刑名。凡國家急務。莫不周知而練達。而又未嘗一日廢書。故於經史百家。悉能深知其義。而不同於流俗。朝家循序而遷。得知河中府。或謂如侯者當位之於朝。出其所学。上為朝廷羽儀。展其所長。亦足以裨補於明時。予謂不然。以即孟之才且賢。得一城而守之。宣布聖天子德澤。下及於百姓。將古循吏復見於今日矣。河中。古蒲阪。舜所都也。有虞氏之遺風存焉。民淳而事簡。亦即孟之所樂也。一旦聖天子擢天下之治最者而大用之。必自河中始。於其行。群公賦詩贈之。而孟頓為之序。侯名衍。即孟其字云。羅瑞良鄆州集卷八。知府文鳴呼。願年三十。一第未收。心非敢忘。晚脫是憂。龍飛之手。五十後遊。我獨達公。乃決去留。持示舍人。品題則優。遂聞帝聰。世科以酬。亦既見知。復得我州。遇我益親。曠絕筆傳。文筆我持。燕戰我誦。賓祖我陪。樂而不派。我當作縣。言春松楸。欲脫不可。如鷹在韝。會公辭。就將入告。飲言之諸公。祠職是脩。出處皆遂。繫公之由。每憶始春。山寺遠遊。或傳公沒。涕泗沾衣。後審吉音。如病得瘳。近惟我公。遠繼前修。歷官四十。無宅與疇。九男

森然不暇為謀。諸甥委孑。嫁送則周。指掌之談。足起懦偷。一佩虎符。民瘼
以求。繭絲之奏。淵感毅旒。屬車星陳。鵬間雲浮。生卒不歷。已焉長休。我聞
公喪。方假緹油。紙書塞嶺。遠予長洲。隨真不時。公毋我郵。感今懷昔。事隔
明幽。公愛我文。我心正愁。浩蕩失次。以為公羞。一鵬千里。能領此不。聞益
公大全集。發太中大夫權戶部尚書兼知臨安軍府趙師範文惟公學為
儒宗。道覺民先。文足經世。德可格天。重擢異科。徑躡英躋。聲華藉清。修
凜然。親見堯舜。一道相傳。於穆孝皇。圖任惟賢。迺立端陞。歷記勳言。迺司
鳳綵。譽重掖垣。升之從橐。延之細旂。上心既沃。帝膝屢前。逮直玉堂。內命
是專。制詰溫淳。德意具宣。龍光夜款。密分鉅選。履切呈辰。平持三鈐。疇庸
碩輔。遂陟通聯。台衡左轉。樞極右旋。夢卜已叶。登槐贊元。明良一堂。運偶
半千。萬寓以寧。三光以全。何成揖遜。臯夔比肩。功立身退。鴻鵠孤鶩。森芳
綠野。寄興清源。賜履三湘。出殿十連。居無幾何。歸思翩翩。明哲在躬。安車
竟懸。浮雲富貴。閱時變遷。棲峙華隱。日涉平園。翫友相從。杖屨踈蹢。天寶
者之。壺中老仙。仰高六一。手訂鉅編。主盟斯文。肆筆如孫。豈非前身相望
百年。五福兼備。好德弗諉。四朝連尊。吾類奉奉。生同浴國。壽祈永延。代謝
有時。日月斯邁。梁木其壞。大廈忽顛。嗚呼。忠存社稷。名塞天淵。勲著鼎彝。

像揭凌煙。始終全節。進退周愨。百世一人。公何憾焉。念昔先君。嘗辱知憐。至于不肖。倍費化甄。隨碑未立。驤首告虔。雄文大書。藹墨猶鮮。恩深兩世。肺腑銘錫。驛計遽聞。有淚迸泉。煌煌蹟呈。悠悠逝川。公今亡矣。欲報無緣。千里莫繁。神馳涕建。呂東萊集李知府朔祭文 推公天資穎悟。總角不凡。日誦千言。在頃刻間。歷載彌長。萬卷貫燭。充棟汗牛。靡所不觀。咀華吐英。或筆或刪。遂以文鳴。徵取兩科。如拾地芥。自致青雲。四方學者。爭呼其文。一經品題。自說門人。皆稱公曰。東萊先生。宣室召前。幾嘆不及。惟忠與孝。以誨環壁。著庭述作。長編巨冊。一夜裁覽。寵以秘閣。風披瀛城。方擬手筆。胡為一疾。天不慙遺。後生扁放。斯文誰繼。公歸于天。為星為辰。攀之莫及。泣紆情儀。真志吳機。西宮祭錢政叔知府文 惟我叔父。昔守是邦。既本利民。厥聲洋洋。歲在己未。我未侍傍。建政立事。得之頗詳。江沅際天。其險莫當。新河滔滔。萬橈穩航。時雖寢兵。國威欲張。營寨翼翼。邊城以修。利所必興。謀深計良。害所必除。既勇且剛。一時顯設。唯樂硯煌。中更兵革。變遷靡常。後二十年。時方外攘。我無似。嗣館郡章。訪公故迹。雲空草荒。唯此殿宇。節如靈光。公姓公名。猶存屋梁。義也竹林。情也想棠。立祠像公。邦人不忘。馮我感愴。脩以豆觴。張魏公奏議秦乞差官知興元府奏議

臣竊見漢中控制已蜀襟帶荆湘俯瞰三秦旁臨沔鄂山川阻固實天下形勢之地臣頃侍帷幄親聞王音謂魏令中原必基於此臣誤蒙知春陳說自明時令入關庶幾有濟已留軍馬屯駐興元府固護四川儲積要糧幹旋討賊以足經費外但興元舊無城壁既作郡會理須繕治子城埧地州郭治別無限隅以至者官司諸軍營帳皆合預行區處見任守臣井度官卑體輕難以責辦臣已具奏湯求野渠楊祖二人內乞出自聖意遷差一員前來知興元府仍乞付利州路帥司移隸興元府所責事權增重帥得人於歲月之間庶事畢集以備車駕臨幸取進止三年十一月五日

上時已登興元出行關陝蘇頌請集蔡卞知江寧府告詞致左右近臣入備侍從出典舊服習知朝廷號令之意均見吏民情偽之本此朕所以歷試在位而成就人才之道也具官某文華之美發自早年才力之優見於治郡宣城之政數月而成稜陵之徙百里而近既助于治亦安爾於勉修厥官以荅恩寵可章忠恪公集知平江府告詞初吳門自前代號名藩主盡之繁賊入之廣風物之美甲於東南頃罹兵火地歲稍就安輯駐蹕之地視為股肱郡遷任二千石尤軫于懷我得其人雖貽成命龍圖閣學士左太中大夫知温州軍州事無管內勸農使丹陽縣開國男食邑三百

戶章誼才推濟劇仕歷要塗頃辭八座之近班出守遠邦而均佚曾未期
月治舉達於予聽其報永嘉之政未撫姑蘇之俗亟藉爾能謂宜風駕庶
從民望毋憚暑行尚深體於春知時觀報政可特授依前左太中大夫充
龍圖閣學士知平江軍府事兼管内勸農使填見閔封如故舊宮教集平
江府錢丘知府致語分符出守綦帷行茂苑之春鼓棹言旋滿綠沂澄
江之月屈蘭舟而少駐張綺席以傾歡恭惟知府盛德照人英標絕俗風
清御道奉旌旗玉輅之輝日近帝城擁車騎朱轡之貴坐堂精敘森戟優
閒而千里之湖山享萬家之風月領齋燕寢方收坐嘯之功珍館膝遊遽
動歸來之興草壺遮路蕭鼓沸天行車喧卧轍之民華宴草壺晉之旅折
平沙之煙柳曲盡挽留置甬里之五觴何辭徑醉云云薰風捲旆趣歸程
十萬兒啼滿路聲別恨江楓煙雨暝慈心沙草晚波平跋輓莫遂留行意
開宴聊伸戀德情從此吳人頌遺愛棠陰千里日教榮唐白居易詩送陝
府王大夫金馬門前回劍佩鐵牛城下擁旌旗他時萬一為交代留取
甘棠三兩枝宋景文公集寄獻淮陽陳相公魁村閣下舊賓游偶得魚
符擁使軺本自鑪鉞依大治敢言鎗脚是隣州頻年廢忘拋黃卷此地優
閑養白頭謾引雙旌非敏政餘波須仰富民侯陳襄古靈集登雄州南門